




სსიპ - საგანმანათლებლო და სამეცნიერო
ინფრასტრუქტურის განვითარების სააგენტო



MES 9 19 01034390



09/08/2019

ქალაქ ქარელის საგანმანათლებლო რესურსცენტრის უფროსს,
ბატონ გიორგი კობახიძეს

ბატონო გიორგი,

სსიპ - ქარელის მუნიციპალიტეტის სოფელ ბრეთის მეურნეობის საჯარო სკოლის წერილის №1013450, 02.08.2019წ. პასუხად, რომელიც ეხება სკოლის სახსრებით სარემონტო სამუშაოებს წარმოდგენილი ხარჯთაღრიცხვის შესაბამისად, გაცნობებთ, რომ სსიპ - საგანმანათლებლო და სამეცნიერო ინფრასტრუქტურის განვითარების სააგენტომ კომპეტენციის ფარგლებში განიხილა აღნიშნული საკითხი.

შედეგად გაცნობებთ, რომ საქართველოს საჯარო სკოლებში, სარეაბილიტაციო და სამშენებლო სამუშაოები ხორციელდება სსიპ საგანმანათლებლო და სამეცნიერო ინფრასტრუქტურის განვითარების სააგენტოს შემდეგი მოთხოვნების გათვალისწინებით:

- აღდგენილ და/ან შენარჩუნებულ უნდა იქნას სკოლის შენობ(ებ)ის თავდაპირველი სახე - პირვანდელი სამშენებლო პროექტის მიხედვით - კონსტრუქციული, შიდა გეგმარების, ტექნოლოგიური სქემის და გარე ფასადის სრული დაცვით;
- საქართველოს ეკონომიკისა და მდგრადი განვითარების მინისტრის 2011 წლის 18 თებერვლის №1-1/251 ბრძანება და მოცემული პერიოდისათვის “მშენებლობის შემფასებელთა კავშირის” მიერ ყოველკვარტალური გამოცემა “სამშენებლო რესურსების ფასები” კრებულის ფასების სრული დაცვით;
- საქართველოს მთავრობის 2013 წლის 7 მარტის №50 დადგენილება და სააგენტოს მიერ 2009 წელს შემუშავებული სახელმძღვანელო დოკუმენტი „ზოგადი რეკომენდაციები და მოთხოვნები“ - /esida.ge/, რომელიც გათვალისწინებულ იქნება ზემოაღნიშნული დადგენილების მიხედვით.
- საჭიროების შემთხვევაში, საქართველოს მთავრობის 2014 წლის 6 იანვრის №41 დადგენილების (შეზღუდული შესაძლებლობის მქონე პირებისათვის სივრცის მოწყობისა და არქიტექტურული და გეგმარებითი ელემენტების ტექნიკური რეგლამენტის დამტკიცების თაობაზე) მიხედვით;
- შესყიდვების კანონმდებლობის მოთხოვნათა სრული დაცვით;
- იურიდიული დოკუმენტაციის: საკადასტრო გეგმა, ამონაწერი საჯარო რეესტრიდან და უძრავი ქონების სარგებლობის დამადასტურებელი დოკუმენტი /უზურფრუქტი, თანხმობა და/ან სხვა/;

- არსებული სიტუაციის ამსახველი აზომვითი ნახაზები, პროექტით, კალენდარული გრაფიკით;
- ავარიულობის შემთხვევაში, შენობის ტექნიკური მდგომარეობის დეტალური შესწავლის გარეშე, მიზანშეუწონლად მიგვაჩნია სარეაბილიტაციო სამუშაოების განხორციელება;

აქვე გაცნობებთ, რომ სსიპ - ქარელის მუნიციპალიტეტის სოფელ ბრეთის მეურნეობის საჯარო სკოლის მიერ წარმოდგენილ ხარჯთაღრიცხვაში გამოვლინდა გარკვეული ხარვეზი, რომელიც საჭიროებს კორექტირებას.

დანართის სახით წარმოგიდგენთ სსიპ - ქარელის მუნიციპალიტეტის სოფელ ბრეთის მეურნეობის საჯარო სკოლის სარემონტო სამუშაოების კორექტირებულ სახარჯთაღრიცხვო დოკუმენტაციას. გთხოვთ, სარეაბილიტაციო სამუშაოების განხორციელებისას იხელმძღვანელოთ აღნიშნული ხარჯთაღრიცხვით.

დანართი: 1 (ერთი) ფაილი

პატივისცემით,

სსიპ-საგანმანათლებლო და სამეცნიერო
ინფრასტრუქტურის განვითარების სააგენტო
დირექტორის მოადგილე სამშენებლო
ინფრასტრუქტურის განვითარების დარგში
გიორგი თინაძე

